

**Uunga siunnersuut: Isiginnaartitsisarfeqarneq pillugu Inatsisartut inatsisaat**  
(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

**Akissuteqaat**

**Pingajussaaneerinnineq**

Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaannit isumaliutissiissut tunuliaqutaralugu siunnersuutip aappassaaneerpeqarnerani Inatsisartut isumaqatigiillutik aalajangerput taamatut isikkoqartillugu pingajussaaneerpeqassasoq. Siunnersuut taamaalilluni Inatsisartuni tamarmiusuni isumaqatigilluarneqarpoq tamannalu Naalakkersuisut matumani siunnersuutip akuersissutigineqarneranut atatillugu qujassutiginiarpaat.

Siunnersuutip akuerineqarneratigut Nunarput nammineq isiginnaartitsisarfeqalissaaq. isiginnaartitsisartutut ilinniartitaanermik pilersitsisoqassaaq. Isiginnaartitsisarfinnut allanut, taakkununga ilanngullugit piumassutsiminnik ilinniarsimanagu isiginnaartitsisartunut tapiissuteqarnissamut periarfissaqarluaannassaaq nunattalu isiginnaartitsisarfia isiginnaartitsisarfimmik ingerlatsineq isiginnaartitsissusiornerlu pillugit isiginnaartitsisarfinnut ilinniarsimanagu ingerlanneqartunut allanullu najukkani isiginnaartitsisarfinnut siunnersuinissamut pisussaassaaq. Taama ililluta isiginnaartitsisarfeqarneq pillugu ataqatigiissumik politikeqalerpugut, isiginnaartitsisarnerup silarsuaanut nunatsinnilu tamatsinnut allanut nuannaarutaassagunarluinnartumik.

Siunnersuummut nassuiaatini taaneqartutut Silamiut siunnersuusiornermi tassani sulinermi tamarmiusumi peqataalluarput. Taamaattumik aamma nunatta isiginnaartitsisarfianik pilersitsinerup Silamiut ukiut ingerlanerini ilisimalersimasaasa misilittagaasalu sapinngisamik annerpaamik nunatta isiginnaartitsisarfianut ingerlateqqinneqarsinnaaffigisaannik pinissaa Naalakkersuisut sulissutiginialersarpaat. Taamaalilluni ikaarsaariarnerup qanoq pitsaanerpaamik pinsinnaanera pillugu Naalakkersuisut Silamiullu kinguneqartussamik oqaloqatigiissutigaaq.

Taamatut oqaaseqarlunga siunnersuummut tapersersuinermit qujaqqippunga.